

Ո Ր Ո Շ ՈՒ Մ

Վարչական վարույթի ժամկետը երկարաձգելու մասին

«22» փետրվարի 2023թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարանս, քննելով Հայաստանի Հանրապետության քաղաքացի Շուշան Արծրունի Սարգսյանի /անձնագիր՝ AT0598014/ վերաբերյալ նյութերը.

Պ Ա Ր Զ Ե Ց Ի

2022 թվականի դեկտեմբերի 23-ին ՀՀ քաղաքացի Շուշան Արծրունի Սարգսյանը իր մոտ գտնվող հինգ տոպրակի մեջ տեղավորված 25 կգ ընդհանուր քաշ ունեցող ուղեբեռով հետիոտն Մեղրիի մաքսային կետ-բաժնով մուտք է գործել ՀՀ:

ՀՀ քաղաքացի Շուշան Արծրունի Սարգսյանը մաքսային հսկողության գոտում հայտնել է իր կողմից տեղափոխվող ապրանքների վերաբերյալ, բայց իր կողմից տեղափոխվող ծխախոտների մասին չի հայտնել: Ուղեբեռի զննության ընթացքում ՀՄՎ Մեղրիի մաքսային կետ-բաժնի աշխատակիցների կողմից հայտնաբերվել է մաքսային հսկողության չներկայացված 16 բլոկ «Wisdom» գրառմամբ, 5 բլոկ «Bond» գրառմամբ, 5 բլոկ «VEE'S» գրառմամբ, 5 բլոկ «ROYAL» գրառմամբ և 24 բլոկ «Marlboro» գրառմամբ ծխախոտներ: Փաստի առթիվ ՀՀ քաղաքացի Շուշան Արծրունի Սարգսյանի նկատմամբ Մաքսային կարգավորման մասին ՀՀ օրենքի 316-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ վերոնշյալ ապրանքները, որպես իրավախախտման անմիջական օբյեկտ, վերցվել և ի պահ են հանձնվել Մեղրիի մաքսային կետ-բաժնի պահեստում:

ՀՀ քաղաքացի Շուշան Արծրունի Սարգսյանի կողմից չհայտարարագրված ապրանքների շուկայական արժեքները որոշելու համար 26.12.2022 թվականին նշանակվել է «ապրանքագիտական համալիր փորձաքննություն», որի կատարումը հանձնարարվել է ՀՀ ԱՆ «Փորձագիտական կենտրոն» պետական ոչ առևտրային կազմակերպության փորձագետին:

Նկատի ունենալով, որ «Վարչական իրավախախտումների վերաբերյալ» ՀՀ օրենքի 37-րդ հոդվածի համաձայն՝ վարչական տույժը կարող է նշանակվել իրավախախտումը հայտնաբերելու օրվանից ոչ ուշ, քան երկու ամսվա ընթացքում և հաշվի առնելով, որ փորձագետի կողմից դեռևս չի տրվել փորձագիտական եզրակացություն և դրա համար

անհրաժեշտ է ավելի երկար ժամկետ, քան վարչական վարույթի համար օրենքով սահմանված ժամկետի ավարտը, ուստի, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 47-րդ հոդվածի 1-ին մասի բ) ենթակետով և 4-րդ մասով.

Ո Ր Ո Շ Ե Ց Ի

1. Շուշան Արծրունի Սարգսյանի վերաբերյալ վարչական վարույթի ժամկետը երկարաձգել՝ մինչև փորձագիտական եզրակացություն ստանալը:

2. Որոշման մասին հայտնել Շուշան Արծրունի Սարգսյանին:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ

ԱՐՏԱՀԵՍ ՂԱՄԲԱՐՅԱՆ

